



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 9. Conventus Londini habitus.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

brantur, decimo lapide a Londinenſi Sæc. XVII.
 urbe abeſſent. A. C. 1624.

§. IX.

Conventus Londini habitus.

Hac Catholicorum vexatione Buchin- Rapin Thoi-
ras Hiſt.
d' Angl. t. 8.
pag. 242.
Annal. de
Jaq. I.
p. 119.
Clarendon.
tom. I. p. 27.
Et ſeqq.
 gamus Comes Regis cliens in pau-
 cis charus Puritanorum, aliorumque
 Procerum gratiam ſibi conciliabat, tan-
 tumque effecerat, ut Rex Curizæ co-
 mitia indiceret, ac Friderici Palatini
 proſcriptionem, & Bavari ſucceſſionem
 deteſtatus, in Cæſarem & Hispanum
 arma convertere decerneret. Verum
 exhausto ærario Nobiles, populumque
 ad erogandas pecuniarum ſuppeticas in-
 clinare, neceſſe erat: Rex igitur hanc
 in rem die vigefima nona Februarii lu-
 culentum habebat ſermonem, in quo
 Filii ſui cum Maria Hispana nuptias
 velut rem omnino ſecretam congrega-
 tis Curiis expoſuit, profeſſus, quod in
 hanc ſpem omnes Theſauros prodege-
 rit, hoc tamen negotium poſt Filii ſui
 reditum, perinde acſi nunquam de eo
 actum fuiſſet, adhuc integrum eſſet:
 poſtea Deum in teſtem & Judicem vo-
 cabat, quod Papiſtis tolerantiam con-
 cedere, ne cogitaverit quidem, ſed
 duntaxat edictorum ſeveritatem ob ra-
 tiones ſibi ſoli cognitæ ſuſpendi juſſerit.

B 4

Atta-

Sæc. XVII.

A. C. 1624.

Attamen non deerant, qui rerum probe gnari Regem propterea vellicarent, quod Hispanici matrimonii negotiationem velut *rem integram* exhibuerit, cum tamen ipsemet nuptialibus pactis utrinque firmatis suum apposuisse chirographum, ac de Palatini restitutione nunquam, nisi consummato Matrimonio mentionem fieri voluerit: Stupebant alii, quod Rex, se Catholicis tolerantiam non concessisse, Deo teste asseruisset, cum tamen hæc inter secretos connubii articulos comprehensa fuisset, nec Hispaniæ Rex Sororem suam, nisi sub hac lege, Walliæ Principi tradidisset. Præeunte hoc Regis sermone, Curia Proceres, instigante Friderici uxore, Walliæ Principe ac Batavis, improbis desiderabant votis, ut Jacobus Rex acrioribus adhuc irarum stimulis adversus Hispanos & Catholicos exardesceret; eapropter non modo Oxoniensem Comitem nuper, eo quod Hispanas nuptias dissuasisset, carceri datum liberari, edictique in Catholicos promulgati executionem urgeri petierunt, sed insuper Regem eo impulerunt, ut Buchinghamus dissoluti connubii causas in Hispanorum invidiam jam antea excogitatas coram Regio Senatu exponeret. Hujus vero clientis sermo eo tendebat, ut ostenderet, quod

„quod Rex vana spe a Bristolo Comite Sæc. XVII.
 „delusus, Mansfeldii copiis e Palatinatu A.C. 1624.
 „evocatis ad conciliandas Filii sui cum
 „Hispana nuptias perperam inductus
 „fuerit, Walliæ autem Principi in Hi-
 „spaniis declaratum, nisi ad Catholi-
 „cam transfret Religionem, de matri-
 „monii spe actum fore: Bristollus quo-
 „que Principi auctor exstiterit, ut ali-
 „quamdiu se Catholicum simularet: in-
 „terim Pontificis dispensatio supervene-
 „rit, tam arduis restricta legibus, ut
 „Princeps ex Hispania abire decerne-
 „ret: tum vero legati ex Hispania fue-
 „rint decreti, qui re cum Catholicis
 „deliberata structis machinis in Anglia
 „intestinum bellum fuscitarent. Hispa-
 „ni quoque Walliæ Principi exercitum
 „obtulerint, ut in rebelles movere pos-
 „set, de cetero autem Hispaniæ Rex
 „nec unquam de nuptiarum executio-
 „ne, nec Palatinatus restitutione serio
 „cogitarit, quamvis Bristollus de utra-
 „que fidem dedisset, ac totius hujus
 „scœnæ auctor Regis benevolentia ab-
 „usus fuisset: „ Hæc a Buchinghamo
 „fuisse conficta, Bristollus biennio post
 „tam luculenter demonstrabat, ut Bu-
 „chinghamus ad se defendendum pro-
 „vocatus, ne verbum quidem respon-
 „dere potuerit, hujusque relationis fal-
 „sitas fuerit detecta. Nihilominus in-
 „super-

Sæc. XVII. superhabitis Hispani legati querelis
A. C. 1624. Buchinghamo applaudebant omnes;
 utramque enim Curiam jam antea in
 suas partes traxerat, sibi que populum
 ac Senatum obstrictum reddiderat, eo-
 quod Regii Filii Nuptias cum Hispani
 Regis Filia ad Anglorum vota dissol-
 visset.

§. X.

*Utriusque Curiae Senatores in Catho-
 licorum excidium conspirantes.*

Wilson Hist. **R**ebus ita dispositis Senatus Regi pro-
Æac. I. posuerat, nuptias in Hispania huc-
part. 265. usque agitas palam esse dissolvendas,
Annal. l. 5. & quidem hisce ex causis. I. Quia
pag. 94. Hispani non nisi Religionis libertatem
Ruthworth pro Sponsa, ejusque domesticis primo
Vol. I. petierint, Principe autem Hispanorum
pag. 129. potestati tradito postea universalem to-
135. lerantiam prætenderint. II. Papistæ
 tanto numero accreverint, ut hac ne-
 gotiatione ad effectum deducta, haud
 ultra suppressi possent. III. Protestan-
 tes in Germania exinde oppressi, Pala-
 tinatus armis ereptus, & Walliæ Prin-
 cept violata Hospitalitatis lege, ac
 Principum privilegiis in Hispania in-
 digne habitus, & Religionem ejurare
 coactus fuerit. III. Electoratus in Ba-
 varum translatus, Belgica negotiatio
 ad